



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Methodus Clara Et Facilis Vacandi Orationi mentali Atque
Exercendi se cum fructu in præsentia Dei**

Coloniæ Agrippinæ, 1687

Caput X. De opere manuali.

[urn:nbn:de:hbz:466:1-46004](#)

„ me in pœnam tuis gratiis prives : quin po:
 „ tius illas mihi exhibere porrò pergas, ut ho:
 „ die in sancta præsentia tua semper ambula:
 „ re valeam.

Cellulam ordinatè componet.

Bonus, ac virtutis & perfectionis amans religiosus cellulam suam considerat, ut locum sacrum, ac Deo orationibus ac bonis operibus ab illis, qui eam hactenus ante ipsum inhabitarunt, facti sanctificatum : ut locum in quo Spiritus Sanctus interioribus visitationibus suis non raro illi ad cor loqui consuevit : locum, quem mundum & compositum tenere semper debet, ob reverentiam, quam debet Angelo suo tutelari, qui semper illi adest. Dicere intra semetipsum poterit.

Exod. 3.5. Locus, in quo stas terra sancta est.

Psal. 25. Domine, dilexi decorem domus tue, & locum

8. habitationis gloriae tue.

Apoc. 21. Ecce tabernaculum Dei cum hominibus, &

3. Baruch. habitabit cum eis.

6.6. Angelus mens vobiscum est.

C A P U T X.

De opere Manuali.

Dilectio ista erit : Domine Deus meus, ad laborem obedientia me vocat, da mihi gratiam, ut in illo tibi placeam, ut te præsentem mihi semper habeam, ad inspirationes atque interiores visitationes tuas animum intendam, atque in omni hoc opere debito cum fervore & modestia, ad majorem tuam gloriam,

nam, animæ meæ profectum, fratrum meorum ædificationem atque ad imitationem Salvatoris mei Christi JESU, qui unà cum patre suo Josepho laboravit, ut exemplum mihi præberet, me geram. Rogo te, ò Virgo Sacratissima, tuis mihi intercessionibus opem ut teras.

Interior occupatio.

Operamini non cibum, qui perit sed qui permanet in vitam æternam. Ioan. 6. 27

Quodcunque facitis, ex animo operamini, sicut Dominus. Col. 3. 23.

Dum tempus habemus, operemur bonum. Galat. 6.

Operamini dum dies est, venit nox, quando nemo potest operari. 10. Ioan. 9. 4.

Bonum facientes non deficiamus, tempore enim suo metemus non deficientes. Gal 6:9.

Euntes ibant & flabant, mittentes semina sua: venientes autem venient cum exultatione, portantes manipulos suos. Psal. 128. 6.

Labore finito.

Recipe Domine, si placet, exiguum hunc laborem, quem volui & conatus sum facere ex sancta obedientia ad majorēm gloriam tuam. Fac, ut ille mihi ad meum spiritualem profectum conducat. Virgo Sanctissima hanc mihi tu gratiam ora & exora.

Vbi in vicem laboris manualis res cuiquam describenda vacatur.

Scriptionis hujusmodi argumenta plerumque sunt exercitia quædam spiritualia ac de vota, quæ quis sive pro aliis, sive pro se ipso de scri-

F F scri-

450 SPIRITUS ACTIONUM

scribit, cui rei qui vacat, eorum dulcedinem
interea etiam dum scribit, gustare contendit.

Semet ipsum considerat, veluti Spiritus San-
cti Secretarium, qui id, quod scribit in manu
cujuspiam amicorum ac fidelium servorum
suorum ut deveniat, disponit: peregregia u
divina illa lumina sunt, quæ de cœlo ab eo, illi
qui scribit, submittuntur.

Fore etiam cogitat, ut particeps evadat me-
riti bonorum operum, quæ ex eorum, quæ de-
scribit, lectione consequentur. Scriptura enim
illius idem, quod magistrorum spiritualium
dissertationes bonæ, efficiet: ac fructus ipsi
fortassis eò amplior erit, quod sermo prolatu
transeat ac depereat, ubi Scriptura post pluri-
mos annos perseverat.

Directio. Mi Deus, ut sanctè & fructuose
tempus meum impendam, cum obedientie
sanctæ merito ad ea, quæ mihi & pluribus
aliis, pii ac devoti ut evadamus, usui esse que-
ant, describenda animum intendo. Toties in
ista scriptione mea glorificare te desidero,
quot lineas incipiam, imo quot literas pia-
gam. Oro te, ut acceptam habeas actionem
istam, veluti per Sanctissimas ac purissimas
gloriosissimæ virginis manus illam tibi nunc
offerō.

CAPUT XI.

De solitudine ac lectione Spirituali.

Ubi in cellulam sese suam denuò recipie-
mentem ad Deum hac ratione elevabit:
Ecce tempus, Domine, quod religio mihi per-
mitit,